



**MĀUI-TINEI-AHI**

**Ngā ngohe  
aromatawai  
kaiako**

---

## Whakataki

He mea hoahoa ngā ngohe nei hei āpitihanga ki te hōtaka o Get Firewise.

**Mā te kaiako:** I hoahoatia ēnei ngohe ki te aromatawai i ngā whāinga ako haumaruru ahi.

Ahakoia e hono ana te hōtaka o Get Firewise ki te Marautanga o Aotearoa i roto i te Aratohu Kaiako Get Firewise, kāore mātou i te whakarato aromatawai mō tēnei.

---

## Te pūrongo i ngā hua aromatawai

E hiahia ana a Whakaratonga Iwi ki te whakaatu i te āhua o te panoni o ngā whanonga o ngā ākongā me ngā whānau nā te whai wāhi mai ki ngā hōtaka o Get Firewise me Māui-tinei-ahi, ina koa e pā ana ki ngā whāinga ako haumaruru ahi e toru.

E whai ana mātou i tēnei mahi mā te kapo i ngā raraunga aromatawai kohura, whakakapi hoki o ia o ngā whāinga ako e rārangiāna ana i raro - kei konei e noho ana ngā ngohe mō ia whāinga. Ka taea e koe te whakamahi i tētahi, ētahi rānei o ngā ngohe ki te aromatawai i tō akomanga ki ia whāinga ako. Ka taea e koe te whakamahi i tētahi, ētahi rānei o ngā ngohe rerekē mō ngā aromatawai kohura me te whakakapi.

Ko ngā whāinga ako e arotaketia ana e mātou i roto i ēnei ngohe:

**1.**

E mārāma ana ngā ākongā he mōrearea te ahi.

**2.**

Ka whakaatu ngā ākongā i te mōhio ki te ārai atu i te ahi.

**3.**

Ka whakaatu ngā ākongā e mōhio ana rātou me pēhea te puta wawe, haumaruru hoki i te whare e wera ana, kia tae ki tētahi.

---

## Me pēhea te kapo ake i ngā hua aromatawai

Type guidance statement and use scenario tables as required. E mārāma ana mātou ko te aromatawai takitahi mā ia ākongā

he roa rawa. Mō ia ngohe, ka tono mātou kia tuhia e koe te tokomaha o ngā ākongā i tō akomanga i whakaatu i te māramatanga tika ki tētahi putanga matua.

E mārāma ana he ngāwari ake te tataua ake i ētahi ngohe pēnei i ngā raupapatanga, tēnā i ētahi atu, pēnei i ngā wānanga akomanga. E inoi ana mātou kia whakamahia e koe to whakawā ngaio hai whakataua he aha te ōrautanga o ngā ākongā kua mārāma ki te putanga matua.

Tēnā whakamahia ēnei wāhanga ki te tuhi i ngā ōrau o ngā ākongā:

Kore

He tokoiti

Ētahi

Te tokomaha

Te katoa

(0%)

(30% iti iho rānei)

(30 – 60%)

(60 – 100%)

(100%)

He puka tuhi kōrero kei tēnei kōpaki.



## Ngā āheinga aromatawai arataki

He nui ngā wāhi e taea ai te whakauru atu i te aromatawai arataki i roto i te hōtaka, tae atu ki ngā kōrerorero, ngā ngohe, ngā huritao me ngā wā whakaharatau. Kāore mātou i kōrero mō ngā āheinga o ia putanga, ia wāhanga rānei.

Ahakoia e mōhio ana mātou ka āwhina ēnei āheinga ki te hanga pikitia o ngā mōhioanga me te māramatanga o ō ākongā, e mōhio hoki ana mātou he roa te wā ki te mahi i ēnei, otirā he uaua ki te pūrongo ake, nō reira kāore i whakahaua hei wāhanga o tā mātou taura.

## Ngā kōwhiringa wā aromatawai

E marohi ana mātou i ngā kōwhiringa e rua mō te wā aromatawai. Ka waiho ki a koe te tikanga ko tēhea te mea pai mō tō akomanga.

### Kōwhiringa 1:

Whakaotihia ngā ngohe kohura, whakakapi hoki i te tīmatanga me te mutunga o te hōtaka e kapi ai ngā whāinga ako katoa i te wā kotahi.

Ka tuku tēnei i te paepito tuatahi o te mōhioanga o ngā ākongā, kāore i whakaaweawetia e ngā akoranga i muri iho. Engari ka roa ake te wā aromatawai i te tīmatanga, ā, ka nui ake te hiranga o ngā akoranga wā tuatahi, whakamutunga hoki.

### Kōwhiringa 2:

Whakaotihia ngā ngohe kohura, whakakapi hoki i te tīmatanga me te mutunga o ia wāhanga hāngai i te Aratohu Kaiako o Get Firewise e kapi motuhake ai ngā whāinga ako.

He poto ake te wā ki te aromatawai i te tīmatanga o te akoranga, ā, ka nui ake ngā āheinga ki te rongoi mai i ngā ākongā. Engari me nui ake te wā ki ngā aromatawai whānui, ā, kua tīmata pea te neke o ngā mōhioanga ākongā i tētahi whāinga ako kāore i āta whakaakohia, no reira ka tītaha pea te wāhi tīmata.



Whakaahuatia a konei hei kapo ā-tuihono i ō mahi aromatawai

